

Blidowy spěw k spěwanskemu swjedženju

9. oktobra 1861.

(Hłos: Dobry wječor, maćerka atd.)

Słyšće ludžo, pos'chajće
Kajka wěc so stała je —
Dundyrška, spodziwna —
Z „nalěća“ bu nazyma“.
Časopis nam wobradzi
Lyriski spěw nalětni,
Spodziwnje, dundyrscy
Wot třóch hwěžkow spisany.

W éichej holi fijałka,
Wonjawka kće ponižna —
Wunderbar, glaube mir,
„Spiegelberg, ich kenne dir!“

Do hudźby jón zestaja
Z Ketlic . . . Gusta.
Dundyrscy spodziwne
Hłosy nakuzłował je.

Přełožk němski polubi
Worklečan najslawniši,
Dundyrscy spodziwny,
W prawym času hotowy.

K jutram derje spěwaći
„Nalěćo“ so přihodži.
Dundyrška, spodziwna
Powjesć wuńdže z Budyšna.

„Jutry zymske wětřiki
Duja, duž so njehodži —
Dundyrscy spodziwne
Nosy maja kamjenske.



„K swjatkam, luby přećeljo“ —
Praja — „kćeje nalěčo.
Dundyrscy spodziwne
Bě jich mudre wěšćenje.

Protyka ta maćična
Běše pak jich zjebała.
Dundyrscy spodziwnje
Swjatki sněh na štomach kće.

Wšitke kwětki nalětne,
Wšitke ptački spěwate
Dundyrska, spodziwna
Zyma prječ je zhrabnyła.

Su tež naše spěwarki
Ze swojimi spěwami
Dundyrscy, spodziwnje
Swjatočničku zmjerznyłe.

Wot Jana do kermuše,
W smjertnym spanju dđeržane
Dundyrscy spodziwno
Smorčeše tež „nalěčo“.

Z čěskoh' kraja pričahry
„Lumir“ k nam do Lužicy,
Spodziwnje dundyrscy
Stary spěwar wustojny.

Spěwarjow a spěwarki
W Budyšinje namłowi,
Dundyrske, spodziwne
Spěwać spěwy serbowske.

Spěwa móc je zbudziła
„Nalěčo“ nam ze spanja;
Spodziwna, dundyrska
Kće nětk radosć nalětna.

„Lumirej“ duž wunjesmy
Z jasnym klinkom wo škleńcy
Spodziwnu, dundyrsku
„Slawu“ nanajkrasnišu.

~~~~~





~~~~~

Čiše L. A. Donnerhak w. Budyšinje